

ՄԵԾԱՄՈՐԻ ԱՏՈՄԱՅԻՆ ԷԼԵԿՏՐԱԿԱՅԱՆՏԻ ՄԱՏՐԱՆ ՕԾՈՒՄԸ

Հունվարի 15-ին Նորին Սրբություն Գարեգին Ա Ամենայն Հայոց Կաթողիկոսի ձեռնով օծվեց Հայաստանի ատոմային էլեկտրակայանի մատուռ-աղոթատունը /հեղինակ՝ ճարտարապետ Հակոբ Բաբախանյան/:

Ատոմակայանի մուտքին վեհափառ Հայրապետին դիմավորեցին Արմավիրի մարզպետ Անդրակ Հովհաննիսյանը, ատոմակայանի տնօրեն Սուրեն Ազատյանը և Նորին Սրբությամբ առաջնորդեցին դեպի նորակառույց մատուռ: Մեկուկես տարի առաջ էր, ՀԱԷԿ-ի վերաբացման առիթով, երբ Ամենայն Հայոց Հովհապետը ելավ հայտնեց, որ Մայր Աթոռի հովանավորությամբ ատոմակայանում կկառուցվի աղոթատուն, որպես «Աստուծո ներկայության Անյոնի զանգակատուն»:



Օծման ընթացքում

Գարեգին Ա Ամենայն Հայոց Կաթողիկոսի ձեռնով մատուռ-աղոթատան օծումից և օրհնությունից հետո ատոմակայանի դահլիճում տեղի ունեցավ հանդիսություն: Այն բացեց ատոմակայանի տնօրեն Սուրեն Ազատյանը: Պրն. Ազատյանը շնորհակալության ու երախտագիտության խոսք ուղղեց Մայր Աթոռին և անձամբ Գարեգին Ա վեհափառ Հայրապետին՝ այդ անգնահատելի ձեռնարկի համար: Հաստատության աշխատակիցներին նորաբաց մատուռի առթիվ շնորհավորանքի խոսք ասաց Արմավիրի թեմակալ առաջնորդ Ասողիկ եպս. Արիստակեսյանը:

Բոլոր շնորհավորանքների և ջերմ խոսքերի ամփոփումը եղավ Նորին

